

晚清珍稀期刊汇编



中国文献珍本丛书

晚清珍稀期刊汇编
(二十五)

全国图书馆文献缩微复制中心

光緒二十九年正月十五日

湖北學報

第一集第一冊

附北學報第一冊目次

論旨文淵

光緒二十九年

論旨彙編

史學

國史學有主義論

學苑中國學界

將國之果樹

米國昔論幾大

育之新器

英國商學會

大英商學會

英國商學會

春林相與開國公府文

代文學

史學

湖北學報第一期目次

諭旨文牘

光緒二十七年

諭旨彙錄

管學大臣張奏定全學堂

章程摺

教育學

孔子教育主義

國民教育主義論

史學

東邦近世史

十九世紀自然科學史

地學

論中等教育地理學研究之功用

外交學

春秋時代國際公法攷

學界近聞

日本實業學校國庫補助費

日本查編地名人名 英國教

育之缺點 英國新教育令

法國之果斷 米國哥倫波大

學設中國學科

價目 零售貳角全年五元郵費在內

發行所 湖北省城漢陽門廣福坊內學報館

湖北學報例言

一本報以激發忠愛開通智慧振興實學爲宗旨

一本報重選譯東西名家論著以資攷究或本館閒有撰述亦酌按門類編載惟一切偏虛固謬之文屏不闢入

一卷首恭錄關涉學務之

論旨并酌載奏定各學堂章程學堂經費冊報及學堂一切庶務

文牘

一中外學科門類繁多茲暫擇其最足擴張識力培固國基者四門編錄成冊餘俟續增其各門旨趣如左

甲教育學 譯載闡明教育學理及論究管理教授訓練方

法之文并網羅東西各國教育行政法及普通專門實業

學校制度以備攷教育辦理學務者之參攷

乙史學 錄中外歷史及各種科學史并各國偉人學者傳

記務令知世界古今局勢之變遷政教之沿革及各科學發明進化之故

丙地學 編譯環球各國地志舉凡研究政治地理實業地

理謂農工商及地文地質等學之作靡不搜載要在比較

各國國力民風地勢氣候物產交通謂航路鐵道郵電等類之優劣

盈絀以圖進步

丁外交學 輯錄國際法國際公法國際私法及交涉專案并各國彼

此競爭縱橫離合情事務養成對外安內之眼光腕力

一卷末襍錄東西各國學界近聞以資博識有則載無則缺

一各門譯述文篇每年終彙刻總目訂爲一集其中所譯專書

譯成則另爲編訂

一本報月出三冊每十日爲一期每逢五日出報惟自每年十二月十五日二十五日至第二年正月五日之三期停不出報以便清釐庶務計每年共出三十三冊每冊以五十葉爲度容俟陸續擴增

一本報係暫行試辦一切尙須隨時改正進求善美并望海內宏達匡其不逮

安執國其不疑

本率分運不遠藥一丈而診測其地凡股以洋為天監前大

近世醫學叢書

辭以賁貶貳卿亦言舍在廿年三十三冊分冊以止十葉爲

二月十五日

本碑共出三冊，全一冊，每冊正日，出碑，自全全

光緒二十七年學務

諭旨彙錄

七月十六日奉

上諭科舉爲掄才大典我朝沿用前明舊制以八股文取士名臣碩儒多出其中其好學者皆潛心經史文藻特其緒餘乃行之二百餘年流弊日深士子但視爲弋取科名之具勦襲庸濫於經史大義無所發明急宜講求實學挽回積習查近來各省通商智巧日出尤貴博通中外儲有用之材所有各項考試不得不因時變通以期造就著自明年爲始嗣後鄉會試頭場試中國政治史事論五篇二場試各國政治藝學策五道三場試四書義二篇五經義一篇考官閱卷合校各場以定去取不得偏重頭場生童歲科兩考仍先試經史一場專試中國政治史事

及各國政治藝學策論一場試四書義五經義各一篇考試試
差庶吉士教官均用論一篇策一道進士朝考論疏殿試策問
均以中國政治史事及各國政治藝學命題以上一切考試凡
四書五經義均不准用八股文程式策論均應切實敷陳不得
仍前空行剽切自此次降旨之後皆當爭自濯磨務以四書五
經爲根本究心經濟力戒浮囂明體達用足備器使庶副朝廷
求治作人之至意所有各試場詳細章程及其餘各項考試未
盡事宜著禮部會同政務處妥議具奏欽此

同日奉

上諭武科一途本因前明舊制相沿既久流弊滋多而所習硬弓
刀石及馬步射皆與兵事無涉施之今日亦無所用自應設法
變通力求實濟嗣後武生童考試及武科鄉會試著卽一律永

遠停止所有武舉進士均令投營學習其精壯之武生及藝熟之武童均准其暫行入伍俟各省設立武備學堂後再行酌定挑選考試章程以廣造就將此通諭知之欽此

七月念九日奉

上諭現在整頓兵制停止武科亟應於各直省會建立武備學堂以期培養將才練成勁旅查北洋湖北所設武備學堂及山東所設隨營學堂均已辦有規模應卽責成李鴻章劉坤一張之洞袁世凱等酌量擴充認真訓練其應如何分門操習俾精兵學而備干城一切規制章程務再悉心校議斟酌盡善詳晰具奏請旨施行其餘各省卽著該督撫設法籌建一體仿照辦理以歸劃一將此通諭知之欽此

八月初二日奉

辛丑

湖北學報館

上諭人才爲庶政之本作育人才首在修明學術歷代以來學校之隆皆以德行道藝爲重故其時體用兼備賢才眾多近日士子或空疏無用或浮薄鮮實今欲痛除此病自非敬教勸學無由感發振興除京師已設大學堂應行切實整頓外著各省所有書院於省城均改建大學堂各府廳直隸州均改中學堂各州縣均改小學堂並多設蒙養學堂其教法當以四書五經綱常大義爲體以歷代史鑑及中外政治藝學爲用務使心術端正文行交修深通時務講求實濟庶幾植基端本成德達材用副朕圖治作人之至意著各該督撫學政切實籌畫認真舉辦所有延請山長妥定教規及學生卒業應如何選舉鼓勵一切詳細章程咨行各省悉心酌議會同禮部覆核具奏將此通諭知之欽此

八月初九日奉

上諭造就人才實爲當今急務前據湖南湖北四川等省遵派學生出洋卽著各省督撫一律仿照辦理務擇心術端正文理明達之士前往學習於一切專門藝學認真肄業實力講求學成領有憑照回華卽著該督撫學政按其所學分門考驗如實與憑照相符卽行出具切實考語咨送外務部覆加考驗據實奏請獎勵其遊學經費著各省妥籌發給准其作正開銷如有自備資斧出洋遊學者著由各該省督撫咨明該出使大臣隨時照料如果學成得有優等憑照回華准其派出學生一體考驗獎勵均候 旨分別賞給進士舉人各項出身以備任用而資鼓勵將此通諭知之欽此

十月十五日奉

上諭直務處奏請飭各省速辦學堂等語建學儲才實爲當今急務前經諭令各直省設立學堂責成該督撫學政切實通籌舉辦惟通省學堂同時並舉財力或有不逮若必待各府廳州縣中小學堂等定議後始行開辦轉致觀望遲延查袁世凱所奏山東學堂事宜及試辦章程擬先於省城建立學堂一區分齋督課先從備齋正齋入手俾初學者易於造就漸有師資再行次第推廣其教規章程參酌中西諄諄於明倫理循禮法尤得成德達材本末兼賅之道著政務處即將該署督原奏並單開章程通行各省立即仿照舉辦毋許宕延其如何選舉鼓勵之處著遵前旨由政務處會同禮部速行妥議具奏欽此

十月二十五日奉

上諭政務處會同禮部奏遵 旨核議學堂選舉鼓勵章程一摺

學堂之設原以鼓舞士氣作育真才自當優其進取之途尤宜防其登進之濫披閱所擬章程尙屬妥協著照所請飭令各該省將小學堂畢業學生考取功課合格者送入中學堂肄業俟畢業後考取合格者再送入該省大學堂畢業後取其合格者給照作爲優等學生由該省督撫學政按其功課嚴密考校拔選擬取咨送京師大學堂覆試候 旨欽定作爲舉人貢生其貢生仍留下屆應考其不願考試者聽俟舉人積有成數再由大學堂嚴加去取咨送禮部奏請特派大臣考試候 旨欽定作爲進士一體殿試分別等第帶領引見量加擢用不拘庶吉士部屬中書等項成例以取進才而收實效據袁世凱奏先於省城建立學堂分齋督課其備齋正齋卽寓小學堂中學堂規制業經諭令各省仿照開辦所有此項學生著俟專齋畢業

辛丑

湖北學報館

後卽照此項所議選舉章程一律辦理以示鼓勵欽此

十二月初二日奉

上諭興學育才實爲當今急務京師首善之區尤宜加意作養以樹風聲前所建大學堂應卽切實舉辦著派張百熙爲管理大臣所有學堂應辦事宜責成綦重務期端正趨嚮造就通材明體達用庶收得人之效應如何改定章程並著悉心妥議隨時具奏欽此

管學大臣張進呈全學章程摺

奏爲遵擬學堂章程恭摺仰祈 聖鑒事竊臣於本年正月具奏籌辦大學堂大概情形摺內陳明將來奏定京師大學堂章程擬卽全照大學規模恭擬上聞仍將現在所辦豫備科並附設之速成科暨頒發各直省高等學中學小學各章程一併奏請候 旨遵行奉 上諭一切條規將來卽以頒行各省必當斟酌盡善損益得中期於有實效而無流弊等因欽此欽遵在案臣謹按古今中外學術不同其所以致用之途則一值智力並爭之世爲富強致治之規朝廷以更新之故而求之人才以求才之故而本之學校則不能不節取歐美日本諸邦之成法以佐我中國二千餘年舊制亦時勢使然第考其現行制度亦頗與我中國古昔盛時良法大概相同禮記載家有塾黨有庠術有序國有學試比之各國